

靜軒先生文集

靜軒汪先生文集序

嗟乎靜軒先生不可作矣予自  
結髮即聞先生名竊有執鞭之  
願而不可得正德戊辰春予見  
先生之子愈於今少傅公吾師  
石齋門下時愈斲文勒先生功  
德於墓道之石予方悲哲人之

云亡慨素願之莫副爲之不憚  
者屢日既而承乏推刑新安得  
與愈周旋論文愛其學博而質  
茂深嘆先生庭訓有素與刑猶  
存而昔者執鞭之願亦少借以  
自解一日愈持先生遺稿拜而  
言曰先人不作所賴不朽者在

此惟君侯圖之以成愈不肖之  
志予留置郡齋夜必秉燭讀數  
過其詩閒雜典重不爲怪詭刻  
削之語而性情自見有盛唐諸  
大家風間有涉議論者亦不出  
宋人下至於序記碑銘等作則  
皆各臻其體辭既雅容意更精

到味之而不窮索之而益遠要  
非苟然而作者如復篁墩程學  
士一書辯析朱陸二氏之學犁  
然悉中肯綮可以啓談道學者  
不決之疑則先生之所養可知  
已雖欲無傳惡能使之無傳哉  
郡庠唐生臯老於文學乃屬其

同愈略加選次爲之規措其費  
命工刻之郡人葉瑾右文尚誼  
亦出泉相佐刻成適予應

召北上愈謂不可無一言然顧予  
何人敢僭序先生之文哉予嘗  
怪世人岐文章政事爲兩途故  
精吏事者往往視儒者爲迂而

儒者亦卑其鄙而不屑雖大儒  
歐陽猶不免有文章潤身政事  
及物之語是以儒者之功業卒  
不見於天下夫六經孰非經世  
之具而唐虞三代之臣豈不學  
無術者邪先生盛德爲學者儀  
式其功業在淮之北在江之西

在澠閭之南朝野誦之史氏書  
之而文章又能與古之人並行  
於後世繇此見先生體用之學  
靡不具備使天假之年得以盡  
究其用又不知其何如也謂文  
章不足以通乎政事者既非通  
儒亦豈通論哉少傅公所誤神



道碑附見集中欲知先生者其  
尚考之庶見先生之可傳者不  
獨以其文而文之不盡傳者又  
不能無遺憾也

皇明正德六年歲次辛未十月朔  
賜進士第直隸徽州府推官西蜀

張鵬謹序

靜軒先生文集目錄

卷之一

賦

墨梅賦有序

西峩書院賦

踈影暗香賦有序

翠栢問蒼松賦有序

老蟬雙珠賦有序

蓉峰高賦有序

坦洞軒賦

卷之二

古詩

四言

蘭竹篇

集詩題桂香樓集

五言

觀鳥雀有感

送黃世瑞三首

題游君思秦墨梅四首

張衛使所藏畫鷹

百牛圖

納溪縣舟中贈梅舍人

江湖壯遊卷

送彭汝實初還京四首并序

李都閻志節卷

吟水部姚江范邦獻三首

未感卷

卷晦軒

義士卷

牧牛圖二首

程節婦卷

朴菴

如菴

遺愛流芳卷

題畫

古鼎詩

歲程君瑜

四不足卷四首

憚進士功父乃內挽章

江湖寄傲卷

贈王醫士惟顯

見一亭

七言長短句附

題曾士美畫冊黃雀

隆馬有作

隸古東陳憲副仰之

松巖山房八景八首

吳水部冰潭卷

知止齋

高黎共行

讀李太卿文璧所刊醉翁亭集

黃樓高一首

題畫

卷之三

律詩

五言

千秋宴能分饌送黃世瑞以詩九謝次韻

用劉太僕韻自述

又用韻精雪

宿何塘鋪

發龍陽渡白沙江

過牛欄關

宿界亭驛

宿馬底驛

舟發黃州府

發蘄州抵九江

送湖南王守維

發興化縣抵法華寺

七言

禹城道中望泰山馬興

登澤山

過紀城

忙閒口號奉泐廣令憲止齋叔

次趙水部荆川詠三首

次趙同寅重陽感事韻答王同寅一首

送謝文明

雲後香河道中憶楊太僕晦之

過孤竹城謁夷齊廟

次韻答河州王司馬

丙午謫官從鞏昌東行次長寧驛壁間韻

過嵩山遊少林寺

哭

大行皇帝遺詔

登桃源縣過馬伏坡視



發新店驛道中書事

過親狹潘鄉二廡道中東吳少參

發山塘道中即事

栢臺中偶書所見

過月潭寺

柢城陵磯

南康阻風

宿芝山

謁廬陵忠節祠用韻

不寐用洪武韻

夜過新淦楊成

有感

鉛山行臺夜坐

廣信秋夜

徐太守時中父母雙挽卷

遊虎丘山

章江別意卷

丁巳除夕用陳教授韻

遊金齒諸葛營謁武侯廟

次鄭阿陵遊九華山韻

送張君天衢改任休寧尹

送鄒綱存正授秩奉其師言菴南還

送余貳尹兼簡羅邑侯

謁儀真宋文丞相祠

白蒲鎮法寶寺感興

出通州南門望狼山

偶見白鬚

寓興化奉整飭徐州等處兵備之命

附戴黃門寶之和韻二首

贈致政建德尹薛君民懌

送秋官王君時暘

中都謁

皇陵有作

一夢堂

遊武夷

別師沙縣鄧敬諭先生

檄崇安縣道會詹文皓埋武夷仙君願骨于山岩舟  
過山下有作

壽葉君廷圭

撫治鄖陽還京遊太嶽太和山有作

又登天柱峰頂謁金殿有作

絕句五七言

過釣臺二絕

思親

送鄉人程超

過大山鋪

抵易龍驛

發沙橋折道傍梅花

抵公安縣

重遊安寧溫泉有感

席上次黔國公韻

過澗縣寄張別駕一之

次程莖墩塘樓行樂詞韻二首贈子山程君世實

題程醫官所藏小李將軍畫二首

耕讀卷

過姑蘇諷歎友葉君瑾廷美

過婺源縣僧會志良萬壽寺方丈有作

題扇海鷗圖

省卷

宋陳辰州遊之

擬謝郭總兵惠秋露白酒兼求其方

贛榆縣望夾谷山

吳繡衣遜之西臺遺恨卷三首

見死蝗

過宿州謁閔子墓祠

留別李秉中

題孤鴈圖寄欽朱廷用

清明問酒圖

味閒卷

靜齋

題竹寄汪叔潤

題江心別意卷後

敦義堂

贈術士袁宗善

輓同年彭城孫少參邦玉

半隱卷

詩餘

太常引

滿江紅

醉太平

喜遷鶯

卷之四

書

答程篁墩學士書

附錄程學士書

答程學士書

寄李學士書

附錄李學士書

奉三原致政王太宰介菴先生書

與潁州兵備陶僉憲書

東戴黃門寶之親家

又東戴黃門寶之親家

卷之五

序

金臺送別詩序

壽婦翁江公五旬序



送葉當戶能役南還序

贈施伯通序

秋牕詩序

送同安金教諭詩序

送范貢士之南雍序

送都綱普光還新安詩序

送晉訓導遠任安州序

送慶符尹胡君序

思親詩序

送吳水部使荆南序

鄱門別意詩序

送遼東行太僕詩丞李君序

皇都勝饌詩序

都門送別圖詩序

送程伯良序

吮疽詩序

卷之六

序

送方進士歸省序

送胡進士歸省序

送陳教諭序

族伯希文先生禱雨有感序

送藍處士還卽墨序

鴈門王氏家譜序

校正雲峰胡先生文集序

瑞桂詩序

送上舍李君宗德還濟南序

清遊唱和詩序

新安春意圖序

潞川汪氏敬思流芳集序

正己軒詩序

南州憶別圖詩序

送憲僉胡君朝賀 聖節詩序

送按察使西軒陳先生朝京詩序

送提刑李君整飭荆南兵備詩序

送宣文林先生報政詩序

卷之七

序

真陽餞別詩序

都門別意詩序

孝友堂慶壽詩序

送幸菴彭先生詩序

徽州府志序并小序十五首

賀聶侯應朝還任序

守約詩序

南園詩序

同慶雙壽序

雙壽圖詩序

傳家錄後序

壽方母鄭孺人七十序

襪線稿序

用拙齋存稿序

送司訓王君考績之京序

送張別駕序

送都綱存正序

贈吳縣簿序

卷之八

序

海屋添籌圖祝壽序

新安別意詩序

新安毓秀詩序

王母蟠桃慶壽圖詩序

葵峰居士詩序

重刊玉機微義序

三錫詩序

薇省迎養慶壽圖詩序

送左方伯陶公更任山東序

賀方伯常公榮遷序

送廣東右布政使劉公序

送叅將張君之任序

送鎮守福建鄧公還京序

送許黃門使安南詩序

松桂園詩序

彭郡守生祠遺愛堂詩序

南山慶壽詩文序

壽詩序

壽詩引

仙坡書屋卷引

卷之九

記

孝友堂記

一樂堂記

思親堂記

韞玉山房記

詩家物色記

張處士夫婦遊墓記

登源八景記

主靜軒記

溪山行樂記

慈訓堂記

無聲詩意記

歸來軒記

清白傳家記

思萱圖記

江湖漫士記

節壽堂記



遊太平寺記

務本堂記

慕蘭記

卷之十

記

南軒記

新建提督屯種按察分司記

龍飛第一科進士記

柳溪書院記

重修休寧縣忠顯廟記

休寧縣新作鼓樓記

紫陽觀憑虛閣記

義塚記

富登義樹亭記

萬松軒記

朋齋記

世德堂記

率溪書院記

慈養堂記

碧峰記

藤田世忠行祠記

徽州府修學記

永恩堂記

三松堂記

齋旭樓記

一 鑑亭記

卷之十一

記

雙節堂記

東園小隱記

怡樂堂記

養梅先生祠堂記

奉親堂記

雙慶堂記

致遠軒記

恬菴記

東園守拙記

竹塘記

勝遊記

河南清軍察院重修記

東川書屋記

省齋記

時齋記

玉泉寺重創記

竹齋記

友愛堂記

卷之十二

題跋

跋詹孟舉千字文墨刻

桂軒稿跋

跋文公遺墨

題廬陵王恭毅公遺墨卷右

書鍾呂俞君汪祥祖墓源流後

書曲陽李氏世譜後

書遺扇清風卷後

跋篁墩程先生往復三書奉呈彭秋官濟物

寄二拙卷後

寄慕親堂詩卷後

寄重錄唐公墓誌挽詩卷後

書六松亭卷後

書重修休寧縣忠顯廟說後

題雲水山房卷後

殿飲中八仙圖

卷之十三

樂著

說

箴

銘

贊

傳

守業說

尚友圖說

忠說

孝說

節夫字說

得之字說

正己軒箴

月窩銘

故族祖存政翁像贊

炳五伯母寫真贊

集詩作董亦樂翁夫婦贊

族伯母奎二宜人江氏遺像贊

贊休寧隆阜吳世現以道行示小像

贊族伯父盛一公希鑑先生遺像

斗山俞必大像贊

鍾馗贊

道全兄寫真贊

族叔祖茂通公遺像贊

龍贊

汪照磨遺像贊

汪處士伯達寫真贊

璫溪金公像贊

文遠于公像贊

武十四公贊

充山汪母像贊

汪口俞君樞保像贊

唐司訓調元像贊

畫猿贊有序

黃主簿贊

戴廷德處士夫婦像贊

孫封君像贊



游思泰姐夫贊

閩張憲念遺像贊

歛葉廷美行樂圖贊

許宗大行樂圖贊

竹坡直叟傳

汧川汪氏三節婦傳

盧貞婦傳

無妄軒傳

卷之十四

行狀 墓誌 墓表

明故處士程公周生行狀

明故處士黃應夫墓碣銘

明故德化縣知縣汪君墓誌銘

明故吳處士墓誌銘

明故監察御史知桐廬縣事唐先生墓誌銘

明故樂靜處士墓誌銘

明故歐陽先生墓表

明故汪處士墓表

卷之十五

祭文

祭外祖游公文

祭先師教諭朴齋歐陽先生文

祭封孺人炳廿一伯母程氏文

祭教諭袁君文

祭封文林郎唐御史邦達文

祭武昌尹仁一兄廷信先生文

祭洪鄧州文

祭朴齋歐陽先生文

祭奎四兄守貞先生文

祭外舅江公思庶文

祭奎十兄文

祭劉方伯乃內李安人文

祭吳憲長克大乃父母文

祭監察御史素菴林公廷玉文

祭謝憲副廷獻母王孺人文

祭鄧少參死狀文

祭方伯盛廿三叔止齋先生文

祭鄭誠齋文

祭亡室江宜人文

祭于千兵文遠文

祭唐希凱先生文

告亡室江宜人文

祭鮑員外良用文

附錄

嘉議大夫南京都察院右副都御史汪公神道碑

新都楊廷和撰

先兄嘉議大夫南京都察院右副都御史靜軒先生

家傳

弟汪生民撰

先公少時稿俱不存人惟口傳數詩筮仕後稿之存者什九  
是集拔什之七而詩又什之三餘蓋有待也先公歿之明年  
愈既之今少傅石齋楊公神道碑銘歸而以志墓于外舅戴  
紳峰先生既諾而卒爲恨不可言搜集間得先生次韻先公  
奉整飭徐州等處兵備之命二律及學士篁墩程公辯朱  
陸道學書而涯李公謝訂雲陽遺文跋尾謬誤書因各以類  
入梓并石齋碑銘先叔眉軒所撰家傳附焉嗚呼先公稿尚  
不克盡傳顧乃及此邪蓋諸與先公節行文章相高一世竝  
膺之功德揄揚之美理義辯析之精可因以槩見此區區爲  
子者借譽于人之心也故次目錄敢述所由以告觀者  
正德辛未十月朔不肖孤汪愈百拜謹識

靜軒先生文集卷之一

賦

墨梅賦 有序

蒙化衛使楊君叔熙得墨梅一幅續之以牋而軸爲一卷不知寫者爲誰華萼輻輳隱然成一般清意味料得少人知十字可謂因梅之質而得梅之性情者矣律之以范石湖之譜恐楊補之廉宣仲之筆法未有此也新安汪舜民撫玩數四有所感而賦之其辭曰

繫園林之所植兮唯茲品其最清抑誰氏之意匠兮和松滋而經營想其心之獨苦兮乃應物而擬象白根及梢之弗見兮露尺幹之崢嶸紛長條以橫斜兮綴繁葩之昭灼出硯池而不汙兮肅靚粧其淡泊瞠乎一披而觀之兮覺余意之夷猶彼羅浮

之與姑射兮實儼然而立卓粵自六陰之既畫兮青女降而五  
寒朝封姨之慘慘兮莫勝六之漫漫兩儀塞而閉關兮生意窮  
而未達萬物軋而就實兮根荻斂而冥頑羗斗柄之建子兮始  
一陽之莫禦欲觀象而見天地之心兮舍孤根其誰與幹等蒼  
官之老兮疎影豈可以同年節配此君之貞兮暗香焉得而竝  
取牡丹富貴桃李穠華兮既斯盡之無遺蓮君子翁隱逸兮亦  
凋殘之不支睠此稟受之特異兮固非凡種之所及流九春而  
冠華榜譽美豈乾坤之所私竹或開手寂寞之鄉兮賤或放乎  
荒寒之地貴或處乎東閣之上兮富或近乎青陽之室隨所寓  
之不同兮天然之標皎皎以無二堅所守之不易兮歲寒之操  
凜凜而如一屈原之騷黜而見疏兮固不因之而自淪履江之  
賦麗而見媚兮亦不因之而自信孰若託根於苦園兮

而可捲不必巡警以索笑兮自可玩而可親辭曰詠乎水濱看  
逋仙兮訪乎竹外有坡仙兮二仙見取其華然兮延之於鼎有  
商書兮撩之於籙有周書兮二書見錄其實需兮反復此圖華  
勝實兮抑先其華後其實兮華實兼之兮其美斯備兮弘治戊  
申春三月廿四日述于蒙化之官舍

西峩書院賦爲蒙化府通判王君作

靜軒子兀坐謫官之舍方以不學無術自嘆客有乘軒者忽扣  
門相過出西峩書院之圖而見示焉巍然有屋森然有木佳氣  
鬱蔥非烟非霧叶自其遠而觀之萬仞對峙者西峩之山窈然  
深邃者西峩之峪自其近而觀之清冽縈迂者西峩之河坦夷  
沃衍者西峩之麓其前則名園數畝特果植花時或將焉可樂  
可嘉其後則古刹一區朝鐘暮鼓時或往焉清憩其所其旁則



或踈或密星布烟居鷄鳴犬吠各有其廬其中則淨几明牕左  
圖右史挾冊以校魯魚亥豕靜軒子曰客乎客乎茲院者若於  
微時藏脩之宅乎不然身旣出矣位旣得矣固有人民亦有社  
稷矣此正壯而欲行之時奚暇如幼學之後後也客乃艷然作  
曰學無窮達惟道足明何子之過辨議太輕豈不聞仕而優則  
學者古之明訓而得夫人爵忘其天爵者今之通情與靜軒子  
於是攝衣而起向客再拜以謝而又終諗之曰學非爲人貴乎  
爲已亦非近外貴乎近裏客如求之迹而不求之心斯圖亦何  
足齒於君子哉誠能以忠信爲基址以仁義爲棟梁以孝悌爲  
砥柱以恭敬爲軒牕以禮法爲門戶以蕪恥爲垣墻而又起居  
有持出入有節志同道合者升斯堂則下榻以相迎悖道誠德  
者入斯室則閉門而不接夫如是則知行有據工夫不空四面

洞達八牕玲瓏所謂書院者不在西我而在客之胸中矣近而  
考亭遠而杏壇其學又豈有不同也哉客喜甚命西我子志于  
圖末而去

踈影暗香賦有序

歲戊申六月既望余沐

恩例復舊品調任將自蒙化之東莞飛行有日衛使路君廷璧  
以踈影暗香之圖索賦蓋畫者有取於逋仙踈影橫斜  
水清淺暗香浮動月黃昏之句也路君余鄉人焉得而  
辭之賦曰

物莫不有影兮梅影以踈而分明亦莫不有香兮梅香以暗而  
輕清水或濁而泥沙爲汗兮影固不得而應形月或隱而風雨  
爲惡兮香亦何自而惟馨茲者水清淺而月黃昏兮此影此香

所以相得而相生於戲逋仙之詩兮何獨有契於此而狀其情  
念彼色工爲誰兮不惟狀其情而尤寫其精嗟余肉眼之一過  
兮忽妓癢而不自寧信乎詩爲畫之有聲兮而畫爲詩之無聲  
緊余想夫梅品之高兮豈啻影與香之足稱也當夫天葩玉潔  
笑傲歲寒是爲花之忠臣兮非若凡卉之凋零也及其佳實彈  
垂調和鼎鬯是爲花之良臣兮非若凡卉之小成也夫惟得堪  
輿之正氣兮此其大節大用所以烈烈而轟轟也宜乎古人呼  
爲花之儒者兮由其有是實而後有是名也彼月之於香不過  
一時之暎兮而水之於影不過一時之澄也許曰已矣逋仙不  
作園林冷落兮水濱無趣影其窈窕兮月下無侶香且寂寞兮  
有美斯圖二景可託兮時卷舒而賞鑑兮畫之功是博兮

新安衛正千戶于君文遠武而好文富而好禮不化之士也以今年九月十有六日表執躋六十家君抑齋先生與君同庚而長八月先期遣人來江西命舜民謀所以爲君壽者竊惟古人之祝壽借物爲喻者多矣用賦翠栢問蒼栢以獻之其詞曰

芙蓉之峰有翠者栢其枝蔚而不披其幹勁而不側近而抱之儼然文士之秀特也問政之麓有蒼者松形勢偃蹇而聳其外文理條達而直其中遠而望之肅然武士之威雄也芙蓉南立問政北峙松栢相去五舍而止出不同地也而風聲相接生不同本也而氣味相似其高也干乎雲霄不知其各幾百丈其植也飽乎霜雪不知其各幾百稔膏之碩也不知其各幾十圍根之蟠也不知其各幾十里彼此相顧而下視衆木之榮悴不齊

也不啻長者對坐而撫膝前之穉子焉一旦翠栢扣蒼松而問之曰歲爲木星其德好生故歲之在天也光明而潤澤則木之在地也茂盛而嘽噪夫何莊周不知本此乃云受命於地惟松栢獨也在冬夏青青語地遺天豈非不悟其理而徒見其形乎蒼松曰子之言良是矣然天必得地而後萬物生焉是故凡吾之族莫匪松也而徂來獨盛凡子之族莫匪栢也而新甫獨名是已又問之曰唯天所生惟地所養謂君與我百木之長棟梁同一材故青州之貢松在其域而荊州之貢栢出其壤歲寒同一節故松栢之茂既詩人之稱頌而松栢後凋亦聖人之褒獎至于夏殷之社尤不能舍松與栢而他尚焉彼終南之梅淇澳之竹雖各有其節而未見其材也君何舍我就彼而以三五之名各自標榜乎豈若以爲一淵不兩蛟一樓不兩雉故不欲同

類之敵而反求出類之黨乎。松曰：子之言亦是矣。然所謂  
友者非吾之素心。蓋後世好事者之儕賞也。且吾與子同類而  
相親若竹若梅。不過一節之同而已。必欲盡吾取友之情。則舍  
子其奚往哉。旣而又問曰：以我視君。大都同矣。然枚舉而比數  
之。猶有不同者存焉。官五大夫。青蓋雲屯。厥初受命。爰自有秦  
君之貴也。可謂久而且尊矣。有兕絲有琥珀。有茯苓有茯苓子。  
寶出苞赤珠爛爛。花開成蕙。黃金紛紛。君之富也。可謂鉅而少  
倫矣。若夫香脂或溢等乎膠漆之用。枯節或剖配乎膏油之焚。  
夢君者爲公之兆已著。哦君者厥丞之念遽存。此又君之餘波  
雅韻。有非我之所得聞者也。蒼松曰：有是哉。有是哉。無乃子之  
過論也。夫所以貴者。疾風暴雨。秦皇獲休。蓋先世之功。而所以  
富者。雨暘時若。培養滋茂。蓋

聖主之恩也子不貴何以有御史栢之名子不富何以有珠子栢之號漢帝之立枯栢何以起萊公之德雙栢何以秀是知若此類者舉皆瑣瑣未足以優劣分也鮑朴子云天陵偃蓋之松太谷倒生之栢與天齊其長地等其久蓋以壽言也吾與子同壽如此豈非所以享富貴諸福之根乎於是翠栢嘿然不及再問但聞其下有童子抵掌而歌曰彼丈人兮蛟龍姿人食其肪兮千歲不飢此丈人兮霜雪肌人服其葉兮長生爲期二丈之壽於人兮若炫二丈之自壽兮可知弘治癸丑秋七月望後三日著

老蚌雙珠賦有序

溪源程公士壯以本月二十五日壽七十歲余忝世戚羈仕籍不得踵門稱觴方謀爲文遙壽以爲公壽者次

子應適就外傳講老蚌雙珠故事入告余栢臺之西軒  
余曰異哉應公之壻也老蚌雙珠昔孔融以是頌韋端  
而公實類之余方謀壽公應乃不期然而以此見告則  
公之萬壽無疆保艾爾後其兆之吉先見矣蓋程自忠  
壯公靈洗以來世爲新安宦族而溪源之派喬木充蔚  
然公大父周生公考存善公世有隱德積善仗義有聲  
鄉邦而存善公又嘗以上壽沐

恩例冠服之榮公承餘慶孝友勤儉所以修培者益厚年餘六  
十甫誕二子余雖未覩頭角而岐嶷之譽盈耳余又追  
憶前此七載躬拜公庭下公方以老景嗣事爲慮公賢  
配俞孺人尤惓惓焉撫其側室甚至余曰仁者壽仁者  
必有後此古今定理矧公神完氣充容止莊重此又有



壽有子之徵也奚慮之有時存善公尚無恙暨公弟士奕公士昂公皆姻黨老成識見明達者具以余言爲然今果驗矣將見公年彌高德彌邵真如韋端之見重士論公二子或爲濟世器或爲保家主真如韋元將之淵才雅度韋仲將之文敏篤誠然則所謂老蚌雙珠之兆又豈有不驗者乎余愧非孔融几僭爲賦以獻其詞曰唯物之萬殊兮舉天所生唯人之中處兮其心最靈何莫匪人兮旣一賢而一愚何莫匪物兮亦一粗而一精故物之於人兮其德或可比而人之於物兮其似或可名肆彼水族之衆多兮蟾居其一巨則蜃而細則蚘兮各異其形在易爲離之象兮寔虛中以剛外其性含水之潤兮必待月而始盈胎之息兮曰珠其產大則大兮小則小或維偏側之璣兮固筭籥之足貯拔園

好之塊兮亦斗斛之或并曰珙曰珉曰珍而曰璠則玉百寶之  
苗爲瑞爲福爲簾而爲履則一襪線之輕顧此非不爲世之  
兮何其取之多而用之費良由託胎之鐵末兮故其得不難而  
器不宏夫惟老蚌之不同兮抱太陰之真魄鎮滄海之萬頃兮  
歷歲月之千齡故其雙珠之竝育兮虬蟻千種而莫及倍嚴生  
三十萬之賈直兮過魏國十二乘之光明陽侯得所懷兮凌曾  
波以輝媚龍不敢近兮眩左右而震驚亘古今之爭尚兮善  
夫孔公之格物喻父子之俱美兮審夫韋氏之稱情繫此溪源  
之望族兮寔繇忠壯之華胄業則箕裘之相紹兮澤則詩禮之  
朝承舉案雍容時韋家之老蚌兮欵欵眉目秀朗耀韋家之雙  
珠兮英英唯

聖朝茂隆養老之典兮而大啓求賢之路唯天府匪在物之瘳

珠是納兮而唯在人之蟻珠是徵吾將驗此老蟻之強健兮期  
千秋而一致吾將驗此雙珠之玳瑁兮照千里而竝興弘治癸  
丑冬十有二月朔後十日撰

蒼峰高賦

有片

族伯父綱軒先生以今七月十有三日壽躋七十適由  
廣西左布政使拜都察院右副都御史

敕巡撫貴州國有老臣天下之幸也家有眉壽一族之榮  
也群民方讀祭禮亦不待不欣然以躍載惟

國初族高祖蒼峰先生六十有一始以耆儒碩學起事  
太祖高皇帝其位不過左春坊左司直郎而特受

顧問兼贊

皇儲與朱善劉三吾二學士同稱三老赫赫猶昨日事今吾綱

軒以清風亮節歷官中外三十有六載一旦進都內臺  
出巡方嶽可謂克繩祖武者矣所謂蓉峰者一族所居  
之主山也秀之鍾於人者不其盛乎綱軒重爲蓉峰出  
色其福壽不益尊且隆乎舜民不能舉觴歌南山之詩  
敬託筆硯賦蓉峰高以獻其詞曰

繫五嶺之竝峻兮唯蓉峰之高其神天揆厥脈之所起兮曰崑  
崙之大其蜿蜒東走爲岷山爲衡山兮順長江之南而起伏以  
次爲庾嶺爲閩嶺兮乃千環百轉而聳此象之隆然東瀾溪而  
南浯溪兮繞乎其麓左陰巖而右石耳兮拱乎其前顧吾族之  
居分據其勝兮而人物實鍾其秀肇自李唐至于今兮而隱顯  
世多其賢闔吾筆兮姑置其他以勿論翹吾首兮安能於此而  
忘言昔

聖祖之龍飛兮吾容峰實爲良弼合山與人而稱之兮蓋將道  
紫陽而齊肩開道德文章之懿基兮歷四世而澤弗替垂功名  
事業之不緒兮逮網軒而才益全登賢科而令東浙兮拉卓茂  
以竝繼擢柱史而按南閩兮語張綱以同年倡同例以進請  
信孤忠之自許謫西蜀以倅夔兮持清操之弭堅貳守敘南嘉  
未幾兮溥成都之牧愛參藩陝右亦無柯兮肅東廣之憲權嘉  
方伯之既陟兮已極外官之品秩喜出入之均勞兮遂副內臺  
之尊嚴捧

聖書之輝煌兮帶綰重金而服繡雙笏適初度之康健兮弧矢  
在門而笙歌滿筵鬢惟霜而心恒赤兮老當益壯德日崇而業  
日廣兮歲或三遷瞻彼容峰之佳致兮地因人勝踵吾容峰之  
芳躅兮祖以孫傳如崧岳之降神兮孟甫侯與申伯蓋千載而

一時兮實相望于後先愧弱質之茹荼兮不在稱觴之列聊拙賦之致祝兮少效放鶴之皮頌先生之五福兮博先生之一笑等蓉峰之萬壽兮願蓉峰之不騫弘治辛酉秋七月之吉

坦洞軒賦爲安成彭都憲作

繫乾坤之易簡兮體萬物而不二惟聖賢之坦洞兮心千古以如一日仁義禮智信之五性兮非寂滅之難悟曰君臣父子夫婦長幼朋友之五典兮豈虛無之易失其坦也不鑿而不陂兮範馳驅於康莊其洞也不偏而不昧兮涵虛白於一室彼記誦之與詞章兮固坦之微而洞之小若權謀之與術數兮尤坦之背而洞之窳鄒魯洙泗間坦洞之源兮顏子獨坐忘於心齋濼洛關闕疏坦洞之流兮邵氏又弄丸於靜地故坦然洞然兮聿與後世之企慕而坦夷洞徹兮可想當時之卓立自道學之弗

傳兮家蹊徑而人荆榛羨坦洞之高扁兮義外方而敬內直爲  
天子之近臣兮代

天子以行事撫江東之疲癯兮躬勞來而安輯如同人之利涉  
大川兮能曠遠以無私如無妄之對時育物兮不假僞以掩  
恒人以坦爲易行而忽之兮公則不行怪以爲高恒人以洞爲  
易知而鄙之兮公則不索隱以爲異肆廬陵之境勝兮南牛巖  
而東蒙岡頽名門之秀鍾兮世元老而累及第遼春秋之家  
兮擅護巖之門戶用坦洞之緒餘兮肅臺端之紀律是謂實  
而聲宏兮方夸進德之未已蓋將希賢而希聖兮非特履道之  
貞吉亂曰坦以存心惟中是主兮人或公欺公何所與兮洞以  
見事惟理是求兮人或公違公何所方兮昔可齊公稱博學兮  
心之未坦成鉅惡兮昔王荆公非常士兮見之不洞缺爾是兮

公偏公軒心平見定兮致

君澤民慎終宜令兮我賦公偏心開見廣兮執鞭請益敢徒技

序兮

神軒文集卷之一

木蘭集卷一

木一

木



靜軒先生文集卷之二

古詩

四言

蘭竹篇美率濱程貞婦汪氏

維蘭之幽韡韡其芳風霜撓之不改其香  
維竹之勁挺挺其烈冰霜凌之不易其節  
彼美貞婦性行孔嘉寡于青春之死靡他  
其香蘭幽其節竹勁此身未亡此志已定  
言升其堂上有老姑言安其室下有遺孤  
姑之老矣誰其養之孤之遺矣誰其長之  
乃勤中饋甘旨是務朝夕仰承慈愛愈固  
乃勤內教義方比嚴朝夕俯育速肖以賢  
姑安其養亦既終矣孤成其家亦既隆矣  
家隆子賢晚景以昌壽逾七袞寔天所  
償蘭香不改竹節不易貞婦之名閨門之則  
繫貞婦兮永

此令名爲君子之稱爲

帝之旌

蘭竹十二章章四句

集詩題桂香樓集蓋謝御史汝爲監雲貴鄉試時作也

南有喬木維葉萋萋灼灼其華秋以爲期思皇多士左右采之  
求之不得悠悠我思南有喬木邪不祥韡匪斧不克伐其條  
肄日居月諸夙夜無已旣曰得止維其嘉矣南有喬木陰雨  
膏之恩樂泮水誰其尸之日就月將敬之誨之王之蓋臣于以  
求之秉文之德言之長也雜以問之必有以也如圭如璋不  
可選也有命自天不可爲也來遊來歌呦呦鹿鳴春日載陽  
乃邁于京一月三捷如日之升受天百祿遙觀厥成

南有喬木五章章八句

五言

觀鳥雀有感

庭樹有枯枝鳥雀競喧語語中應自得我不知其趣嗟爾一微禽亦具天地心衆喙發聲樂三軍適平陰待齊情太薄報晉意何深愧我非師曠徒聆今日音

送黃世瑞三首

迢迢江南路飄飄冀北風  
逐逐九街塵冥冥千里鴻  
出處旣云異敘散何由同  
流光不可繫忽忽如轉蓬  
別去當何時情話重能通

南箕不可簸北斗難挹漿  
蹇茲筮仕初實微名空揚  
或謂干逢忠不如夔龍良  
矢心語知己清慎惟自強  
豈效村店酤對客誇

臘香

從昔忘世者固多經世術徵君瑚璉姿甘作林泉逸論事屢獻  
書當道誇健筆親親託葭莩不與途人匹後來有便鴻樂我賴  
參水

題游君思秦墨梅四首

香極天下清颺颺吹不滅榦極天下貞颺颺摧不折翩翩羅浮  
仙傾倒自奇絕寄語謝飛廉勿逞鳴條傑護此結佳實和羹不  
可缺

右風梅

何處桑柘起繞樹來霏霏捲此貞白容淡抹偏相宜恍如玉女  
降輕殺裁爲衣西湖詠道仙月下兼水涯笑詠二十年茲景只  
獨遺

右烟梅

飛雲嚴凜凜高枝春自饒復見天地心觀象此昭昭瓊崖三百  
削瘦骨添寒標抗顏笑勝六任君恣封條跋鳥起東方不與若  
俱清

右雪梅

疎影本可人冰輪更相映清光徹五肌五夜二難并異哉壽陽  
粧姁娥豈茲競細讀汝陰詞景與人俱勝廣平鐵石心亦當發  
奇興

右月梅

張衛使所藏畫鷹

臂上立紫鞵日日爲人後架上繫青條欲飛不可得何如在高  
枝兩兩勢相敵凶閃星無光小利鐵無力狡兔失三穴鳥雀亦  
潛避意氣誰能降雲霄萬里行

百牛圖爲華都閻題

百牛不可羣百象不可輓百虎不可馴百兕不可格百馬不可  
犁百麟不可得如何養百牛功高在阡陌食者民之天耕澤歲  
始獲濟軍重屯種繪圖不盈尺百牛半牧兒彷彿桃林役呼牟  
百獸空邊儲會萬石

納溪縣舟中贈梅舍人

漢書萬里途川東一葉舟且夕勞于軀情意恒縹緲人生少壞  
關忽忽水上漚勿謂今壯夫措日易白頭羨子簪纓胃志能紹  
箕裘及時盍修省何必覓封侯我雖宦業微足迹遍九州後會  
倘可期爲子青西眸

江湖壯遊卷爲許君尚志題

昔昔起江南迢迢遠幽燕東遊過泗水西遊窮酒泉自謂足迹

送謫官又南滇中間涉波濤意氣亦充然君志何落落孟浪情  
無邊泛棹得從容風月隨後先笑我徒勞爾效遊誰能有

送彭秋官濟物還京四首并序

公廉介信義士也博學多才遠出等輩近借黃門東公  
奉命鞠事于滇同心同德明恕兼濟人情罔不輸服  
而黃門以宿疾不幸卽世公所以扶救之哀慟之爲衣  
余棺槨殞殮之者真誠迫切未始一毫不盡厥心卽此  
一節而平生大槩可驗矣不肖忝從執事之末聆接日  
久不覺心醉故於公之北還效賦古體四首以送之惟  
所感深而切故其詞拙而複覽者幸不厭也

卓彼皋蘭秀黃河遠其旁所鍾多俊彥而公尤非常我昔忝觀  
風令聞早已彰瞻此萬里道忽覩孤鳳凰仰資麗澤益矢言終

不忘

事變無常形公心有定據矯枉不過直求仁能強恕况復博群  
書義理自昭著白日照青天安肯事鉤距惟願疏此心萬言獻  
當亡

至賤莫如石他山違有之鑿鑿不可轉硜硜將奚施一朝逢玉  
人頗能攻瑕疵所以古之士拙鈍亦自持不患難致用借重在  
相知

炎荒半載間黃門不可作始藥終而殞公情誠以確朋友五倫  
一人或忘舊約利害小不顧生死安可託吁嗟道義文端足勸  
澆薄

題李都關忠節卷乃父陣亡母劉年甫二十孀居六十餘  
年誠不易得也



臣忠死不避婦節久不失絕徽骨未收深閨髮不櫛卓哉伉儷  
心皎如雙白璧懿行人所難遺澤天所畀富貴在後昆百世如  
一日

唁水部姚江范邦獻時謫呂合驛宰事有不偶者

前鴻背驚網僅克全其羽後鴻復傷弓披靡未能舉兩鴻一朝  
過不敢喧相語獵弋恣旁午俛啄安所處雲霄萬里在翮健奮  
莫禦

有劔鋼百鍊防身孰能支臨敵或掣肘膠鞘不可揮挫刃非劔  
罪勢力本不齊劔哉復劔哉鋒芒慎自持留以試盤錯屠鼠亦  
奚爲

承恩一佳人傾宮慕其豔遭妬忽失寵棄絕不得見素譽無足  
恃玉顏安敢炫憤辯亦非持貞靜聊濟變尺蠖豈長訕妬久天

亦厭時來斂蛾眉重上昭陽殿

永感卷爲程元浩題

心苦百感生喪親感獨永生我鞠我恩真與天地並詩書澤空  
存枯槁塵已冷所以孝子心風木悲不靜陟屺朝忡忡陟岵夕  
恟恟此編如蓼莪時讀時猛省

養晦軒爲戴起潮題

蛟龍蟄潛身尺蠖屈求伸物晦尚如此人晦當自存晦中有不  
晦惟養能全真卓哉戴氏翁聞軒扁云云在晦既知養窮冬藏  
盛春仁義晦藥石狡獪悔稜氛能養貴能慎鄙句聊相箴

義士卷宗人漢口中和翁以戎役死於都勻苗寇也

邊帥弛戎機孤壘腥風緊昏夜求誰知義氣自不泯前死無却  
生大罵含笑頰擗子作俘囚犬羊亦知憫縱歸續儒昧諸孫頭

膚敏乃知天道定福善如合吻強彼不義徒洪忍雜螻蚓壯骨  
宜不塵英聲故凜凜

牧牛圖二首爲朱君烘題

牛飽下山晚倒騎牛背歸掉頭認歸路擁笠遮短衣雖無書樹  
角心曠情以夷西疇將有事耕深賴牛肥道旁應不喘丙相奚  
問爲

騎牛渡淺水牛背平可臥呼牟一犢隨龍駒不能過顧子牛性  
哉愛物人情那春雨足扶犁廣時秔與穉再置負郭田明年犢  
亦大

程節婦卷柅溪程進士配也

昔過節婦鄉芳名塞吾耳今讀節婦傳實德信如此良人青雲  
身旅櫬歸萬里節婦白壁心寒登愈三紀孝姑終高年訓子稱

名士

恩光照後裔節婦長不死

朴庵爲黃郡博文潔題

太朴久已散誰能復其初所以有志士日惟朴是圖言朴戒巧  
佞行朴戒奸汗食朴淡不厭衣朴整而行學朴鏗文彩教朴謹  
範模事

上抱朴忠不欺亦不諛日用守朴素不疾亦不徐至哉朴之義  
古道如斯夫寄語朴庵老名實宜相符

如庵爲車司訓則周題

君庵以如扁君欲何所如立必如齊肅坐必如尸居守口如瓶  
只防意如城且勸君如顏子顏子却如愚君如進一步如舜而  
已夫進進如不及如庵真良圖

遺愛流芳卷爲秦司徒紘曾祖太守時中題從兄崇順天

府尹

濟水清如鏡源深流乃長居近峙喬明風氣翕以昌惟昔確頤  
彥乘時握郡章約已在裕民遺愛存甘棠火葬豈治命青史名  
則揚再世承厚澤四世益有光京尹業侃侃台鼎功煌煌來裔  
有如此祖德安可忘淮水晉王氏盛哉不可當秦氏今繼之濟  
水流未央

題畫

巨川非野水衝艦豈孤舟往來待渡頗如履平地遊丁寧黃頭  
郎先事虞洪流堅柁橈與楫一柁尤當謀坐令世上人舉無病  
涉憂笑殺鄭子產乘輿安能周

古鼎詩送潘貳守王汝

江南有古鼎製自秦漢前兩耳朴以整三足直而堅一朝貢  
天府溷與衆器遷時樣貴雖飾衆器用每先古鼎雖不言造物  
豈容偏欲和傳說羨舍是奚取焉

歎西程君瑜早志用世不果詩以箴之

江東有一鴻素志凌絳霄胡為顧稻梁飛鳴不自聊燕雀見之  
笑將謂同翺翺豈知抱異質六翮終可調一舉或千里迅速橫  
衝颯

四不足卷為林舉人教題

置身億兆上作主穹壤間巍巍九重高蕩蕩四海寬禮樂自己  
出征伐容誰干云胡猶不足妄念生別端可笑唐太宗重稱天  
可汗

右天子求貴

航海有妙計滾滾開財源職薪且不惜錦障何足言既盛金谷  
館歌舞日盈門云胡猶不足斛珠買禍根珊瑚關未了墜樓先  
斷魂

右石崇求富

既竊不延藥端可駐朱顏正面廣寒宮光彩人共看世間有西  
施爭妍良亦難云胡猶不足欲眩明皇觀幻出十素娥皓衣黎  
白鸞

右姮娥求色

天地何其私生此不老人始唐以及虞歷夏直至殷歲月遊既  
遠妻子換亦頻云胡猶不足再稱武夷君慢亭信會否至今爭  
云云

右彭祖求壽

常州揮進士功父乃內執章卒於京師有子矣

鳳翔九千仞惟鳳與之俱和鳴中律呂高傍五雲居鳳兮遽相  
棄鳳也傷何如有雛亦九苞悲號淚如珠他年隨鳳起瑞世混  
車書鳳身雖莫作鳳德終不渝

江湖寄傲卷為李秉中題

富貴戒傲物江湖亦何求塵跡信如寄汎汎皆虛舟清風滿一  
襟皓月盈雙眸軒冕未為高珠玉奚足謀此傲豈凶德達者斯  
同流笑彼青白眼安能心休休

贈王醫士惟願

人生血氣樞失養疾始作三皇窮病源百草制醫藥素問比六  
經至理此關鑰厥後門戶多所得痲糲粗外感仲景詳內傷東  
垣約溫暑河間明雜證卅溪博四子循四書經旨賴以擴惟神



聖工巧立名既各各曰望聞問切取驗亦鑿鑿近有王聘  
次獨恢廓素問亟鑽研四子互斟酌謂鑿意而已心法妙  
死生骨而肉求者車駟絡杏且不索種况問謝厚薄曾赴  
聖主召乃志在丘壑飄然復乞歸林下無束縛傳方亦濟人辟  
彼陽春脚我昔道姑蘇舟傍胥門泊從君訪攝生賓主兩不惡  
我質弱過蒲君形鍊比霍分攜索拙筆別又言如昨君術非待  
頌君情詎容却再拜投長篇塗抹不知忤

見一亭爲李太守文輝題

韋丹昔未休林下豈無一遽云何曾見老衲應有識李公舊豸  
冠直道嘗見黜累遷歷兩郡民愛如冬日一朝解組歸結亭謾  
容膝天上問同遊袍笏尚林立

七言

長短句附

題曾士美畫用黃雀

既云萬不抵一鷹復云萬不及一鳳也因穿屋志卑庸故使世人競譏諷君不見網羅甘受睢陽城三軍死氣暫得生又不見數十飛入王祥幕作炙供親親以樂嗟嗟黃口雖微禽忠孝所感通人心鷹徒擊搏鳳不至捨功錄過何林林玉堂先生察物理繪圖及此厥有旨他日秉鈞用衆才器之二字良如此

陸馬有作

誰道山中虎可跨嗟余騎馬人所訝失韜原非閔損寒仆地不是老萊詐脫韉相離十丈餘眼眶撲腫如杯大起來神思昏復昏玆禍分明天所嫁忽憶少年登第時買到驛驕不論價一日走過長安塵紫金鞍上操如壓厥後馳驅兼乘驄何曾頃刻防泛駕只今遠竊連連灑駕足乃敢恣再時吁嗟人生不偶然一

得一失皆造化禍兮福倚福禍作此理不必問若到馬非墜我  
我自墜拙鈍之名當遠播

隸古東陳憲副仰之

舜民近來學隸古手不應心心獨苦輕着數點似亂石重取一  
畫如敗堵有時筆拙心更忙片楮十字差四五仰之學趙真是  
趙變化墨妙不踰矩下視區區當汗顏一工一拙各門戶臨風  
大膽寄此幅可是雷門搗布鼓

松巖山房八景八首爲詹處士鑑作

公少作也

石潭清淺益如斗掬水常看月在手天風靜時驪珠圓波痕動  
處金燕走雲邊或恐缺似鉤水底驚起魚龍遊不須更發采石  
棹謫仙玩處應同流

右珠潭浸月

遠浦人家村之北晨昏炊罷烟霏霏  
遙看匝地鎖朝陰苑同芳草凝春碧  
村翁早起策杖黎歸去氤氳攜滿衣  
應是山川發靈氣曉來散作祥烟飛

右遠浦生烟

羣卉不堪少昊令秋來焉敢誇榮盛  
樹頭偏覺芳意饒巖前獨秀風光迥  
晚涼乘興倚樓西清香撲鼻金風攜  
高枝只許一人折肯同桃李下成蹊

右巖桂秋香

朔風一夕吹大雪四山平  
漫千林折蒼松萬木同  
孤貞青霄百尺凌勁節  
蔚然顏色不少磨歲寒  
長護隱君家當年豈獨  
崔嵬立闌軒相對堪吟哦

右嶺松冬秀

石澗通源注清冷中寬半畝如鏡淨魚吹細浪搖天光臨賦  
岸閒雲影風來鴨綠起參差靈臺湛湛同漣漪道體本然斯可  
見不殊孔聖川上時

右方塘水活

疊嶂三重雲一片竟日無心自舒卷松枝高處穩鶴眠山洞陰  
時從龍戰雲兮勿謂徒爾閒須爲霖雨沛人間絕壑或見高人  
起緩隨車駕出東山

右疊嶂雲閒

怪石當溪峙突兀年來不受初平叱洪水排浪觸雲根蒼厓纏  
虜羅地骨我今依稀一見之直疑織女墮文機醉倚不辭歸去  
晚自磨荒蘚刻新詩

右溪濱奇石

一脈寒泉山之頂四時不竭何清迥其止如鏡出如練彷彿大  
華峰頭并神龍所宅號名湫亢旱興雲偏悠悠鄉人歲歲乞靈  
貺沛然甘澤敷遐陬

右山頂靈泉

題吳水部冰潭卷

冰潭水深幾千尺冬來水返環如壁冰潭主人真時髦用以自  
號比清白讀書昔住冰潭邊冰潭之景何悠然洗硯鑿冰見澄  
碧天光雲影相留連名位顯融今幾載冰潭勝槩應未改繪圖  
向我索詩篇捉筆歆慕想風采古來人傑因地靈冰潭因君今  
得名冰涅不緇點不汙潭激不濁澄不清雅操宏度有如此無  
怪芳名滿人耳水部安能久相淹鈞衡台鼎從茲始冰潭冰潭  
世所希回笑愚溪翻可譏他年畫錦問桑梓冰潭之景生光輝



南嶺故名夾路長高黎共高接天東麓路江西麓龍川江東  
山嶺此竹起橫斷百里中峩然高黎共高且險廬山豈不高  
西水氣匝地起橫斷百里中峩然高黎共高且險廬山豈不高  
五老呈奇兮江湖環轉蜀道豈不難峨眉眉鍾秀兮川原沃衍  
爾空高而難行有時出雲致雨兮瘴癘者人而莫遣高黎共高  
重重方寸坦易行從容但得此身元氣充何須與爾爭勞逸較  
吉凶

讀李太卿文璧所刊醉翁亭集有作

童年讀歐記少年見蘇書聞有此亭天地間向來興廢知何如  
今年駐馬滁陽驛亭只數里路非迂人事奔走成逗遛搔首一  
望空躑躅太僕先生醉翁輩醉我以酒開我愚繼出此集贈我  
行名筆滄海收遺珠途次披閱慰渴想如坐亭上情于丰君不  
見翁之名老者居歐公四十強自翁若將終焉歸田廬又不見



醉之鄉酣者起歐公飲少輒自醉若將晦焉全身軀一朝相業  
重廊廟韓范富公皆齊驅翁非真翁醉非醉山水之間樂有餘  
翁不衰兮醉不亂名亭之意原不虛

黃樓高一首錄請地官莊一菴改教兼以奉餞

黃樓高東城上平挹諸山幾千丈蘇公作樓樓正黃土能制水  
消濤蕩古人處事豈率然爲國爲民心怏怏樓從公後黃不黃  
樓有改名無恙

題畫

避暑坐客邸樞衣將還舟延陵後人湖海士手持一圖來相投  
輕烟淡欲散清波淺不流山禽鳴樹水禽鳴洲云是一路功名  
到白頭君志不高尚功名非所謀然乃其筆巧寓意借鷺爲路  
鳴爲名兮聊相酬君忽焉然笑斯言是邪不隨年有功實有名

豈必委身于王侯君圖如此亦不惡居鄉則志以寧尤大書圖  
上還君去第愧緇和早舍脚避風雨兮不  
年五鳳樓